



Bibele ya mina

Yo tirhela no

Dyondza

Buku ya 1



dyondza ku
hlaya no tsala



Egipta



bible society

the BIBLE people
since 1820

Ku hlaya no tsala!

Phurogireme ya Litheresi



Bibele ya mina Yo tirhela no Dyondza Buku ya 1

My first Bible Do and Learn Book – this basic literacy primer was developed by the Bible Society of South Africa based on the Do and Learn method developed by Dr Rose Botha. This book was first published in English in 2012.

Xitsonga Literacy Project
First digital edition 2017

© Bible Society of South Africa 2017

Translator: C Khoza

Editor: GJ Hlongwani

All rights reserved. No part of this book may, without prior written permission of the copyright holder, be reproduced or transmitted in any form or by any means, electronic, mechanical or otherwise, either through photocopying, writing, audio recording, or any other system for information storage and retrieval.



Published by the Bible Society of South Africa
PO Box 5500, Tyger Valley 7536, Bellville
www.biblesociety.co.za

ISBN 978-0-7982-2160-3

Xiletelo xa Mudyondzisi Bibele ya mina yo sungula

Pholisi

Nhluvukiso wa ririmi wu humelela loko hi kongomisa ngopfu eka ku simeka na matirhiselo lamanene ya tipholisi ta ririmi. Ku tinyiketela ni ku hiteka etlhelweni ra vadyondzi i swa nkoka loko va fanele ku dyondza mavulavulelo ya ririmi hindlela leyi faneleke. Vatswari na vadyondzisi va khutaziwa ku kombeta ntsakelo eka leswi vadyondzi va swi vulavulaka kumbe ku swi tsala hikuva leswi swi ta va susumetela ku lava ku tiva ririmi. Mudyondzisi u fanele ku vekela vadyondzi erivaleni mimbuyelo ya dyondzo yin'wana na yin'wana.

Tidyondzo leti nga ebukwini ya mudyondzi ti longoloxiwile ku ya hi malembe ya vadyondzi. Marito na ririmi na swona swi olovisiwile ku endlela leswaku swi angarhela vuswikoti bya mavonelo ya vona. Mudyondzisi u khutaziwa ku hlaya xitori hinkwaxo ebibeleni ku endlela leswaku va ta kota ku twisisa hi ku hetiseka vundzeni bya xitori.

Hi leyi mimbuyelo ya tidyondzo leyi faneleke ku va yi fikeleriwile endzhaku ka tidyondzo leti:

- Vadyondzi va fanele ku kota ku vula switwari na switatisi.
- Vadyondzi va fanele ku kota ku tirhisa swihikahato no antswisa mianakanyo ya vona mayelana na leswi va swi hlayaka.
- Vadyondzi va fanele ku kota ku tirhisa tithoni to hambanahambana eku hlayeni ka vona.
- Vadyondzi va fanele ku kota ku tirhisa mianakanyo ya vona na maehleketelelo yo xopaxopa.
- Vadyondzi va fanele ku kota ku hlamusela xitori lexi va xi hlayeke.
- Vadyondzi va fanele ku kota ku yingisela hindlela yo xopaxopa.
- Vadyondzi va fanele ku kota ku hlaya hi vukheta na hindlela yo xopaxopa.
- Vadyondzi va fanele ku kota ku hlaya hi khaqato kumbe hi ku hetiseka.
- Vadyondzi va fanele ku kota ku antswisa no engetela ntivomarito wa vona.
- Vadyondzi va fanele ku kota ku pananisa xifaniso na nhlamuselo yo yelana na xona.
- Vadyondzi va fanele ku kota ku vona swilo leswi fananaka na leswi hambanaka.
- Vadyondzi va fanele ku kota ku rungula no hundzisa mahungu.

Landzela swiletelo!

Swifaniso leswi nga laha hansi swi pfuna vadyondzi na vadyondzisi ku landzela swiletelo swa dyondzo yin'wana na yin'wana.



Mudyondzisi u hlamusela ayikhoni kutani a ya emahlweni no nyika nhlamuselo ya leswi faneleke ku endliwa.



Ayikhoni leyi yi kombeta ntirho wa mudyondzi.



Vadyondzi va tsala.



Vadyondzi va languta marito.



Vadyondzi va tirhisa tikhirayoni ta vona ku khalara.



Vadyondzi va hlayela marito ehenhla no hlamula swivutiso.



Vadyondzi va lava no kuma marito.



Vadyondzi va gwabisa tinhlamulo leti va ti kumeke.



Vadyondzi va phokotela mavoko no hlayela.

Dyondzo ya 1 – Peletwana rin'we

Buku leyi yi kunguhateriwile ku pfuna vadyondzi va le xikarhi ka ntlhanu na nkombo wa malembe hi vukulu. Vatswari na vadyondzisi va languteriwile ku pfuna no nyika nseketelo eka vadyondzi. Vadyondzi va nyikiwa nkarhi wo dyondza mipfumawulo na mavulelo ya yona. Leswi swi endleriwa ku pfuna vadyondzi ku dyondza ku hlaya Xitsonga. Marito yo tala ya peletwana rin'we lama tirhisiweke ya kumeka ngopfungopfu endzeni ka Bibe. Mipfumawulo leyi yi tsariwile hi maletere lamakulu na lamatsongo.

Mudyondzisi/Mupfuni

Xikongomelo xa dyondzo leyi i ku dyondzisa mipfumawulo ya switwari na switatisi. Dyondzisa vadyondzi mipfumawulo leyi u tlhela u va nyika nkarhi wo tsala marito lawo etibukwini ta vona. Vadyondzi va fanele ku sungula hi ku tsala mipfumawulo hi maletere lamatsongo, endzhaku va yi tsala hi maletere lamakulu.

Lulamisa matshamelo leswaku ya ya hi vukulu bya vona. Lava nga vatsongo no va va ha sungula va fanele ku tsala switwari leswi: a, e, i, o, u. Vadyondzi va fanele ku tsala switwari leswi hi ku vuyelela va kala va tolovela mipfumawulo leyi.

Dyondzo ya 2 – Mapeletwana mambirhi

Loko vadyondzi eswikolweni na le tikerekeni va ntlawahatiwa ku ya hi malembe ya vona, mudyondzisi u fanele ku tiyisisa leswaku va kota ku pfunana, ngopfungopfu loko va endla marito mantshwa. Loko va heta ku endla dyondzo ya n'we, leyi khumbaka peletwana rin'we, va fanele ku hundzela eka mapeletwana mambirhi na mapeletwana manharhu. Leswi swi fanele ku endliwa ku ya hi mavulelo lama faneleke ya marito ya Xitsonga. Va fanele ku khutaziwa ku tsala mipfumawulo leyo etibukwini ta vona.

Mudyondzisi/Mupfuni

Khutaza vadyondzi ku tsala swivulwa hi ku tirhisa marito lama va nga ta va va ya dyondzile. Leswi swi ta va pfuna ku tikambela loko va dyondzile no twisisa marito yalawo hakunene.

Dyondzo ya 3 – Ndzi vona

Eka dyondzo leyi Mudyondzisi u khutaza vadyondzi ku dirowa. I swa nkoka ku tshikelela leswaku a ku na xifaniso lexi nga lulama kumbe xo ka xi nga lulamangi. Hinkwaswo swifaniso i swa nkoka, hikwalaho swi fanele ku dzunisiwa no tlangeriwa kumbe ku khensiwa. Ntirho lowu va fanele ku nyikiwa wona tanihi ntirhokaya. I swa nkoka ku kombela nseketelo wa vatswari loko ku endliwa tirho lowu.

Dyondzo ya 4 – Swivumbiwa swa Xikwembu

Vadyondzi va dyondzisiwa hi swivumbiwa swa Xikwembu. Va kombete swifaniso kutani u swi yelanisa na mavito ya swona. Vadyondzi va fanele ku hlaya marito hinkwawo lama nyikiweke kutani va sungula ku ma tsala va ri karhi va tirhisa mipfumawulo leyi va yi dyondzeke: Xikombiso

mu – munhu

ti – n'weti

nts – ntsumi

Dyondzo ya 5 – Xikhongelo xa Hosi xa vana

Nyika vadyondzi nkarhi wo khongelela swilaveko swa vona.

Mudyondzisi/Mupfuni

Vadyondzi va fanele ku lava marito lama nga na Ss na Oo eka dyondzo leyi. Mudyondzisi u fanele ku va pfumelela ku titela na marito ya vona yo va na mipfumawulo yo hambanahambana.

Dyondzo ya 6 – Ngalava ya Nowa

Mudyondzisi/Mupfuni

Vadyondzi va bula hi ngalava ya Nowa (xikepe). Va pfumelele ku bula va tshunxekile. Kumbexana van'wana va vona va nga va va tshame va xi vona xikepe hi nyama, loko van'wana va nga va va xi vone ntsena eka thelevhixini kumbe eswifanisweni.

Dyondzo ya 7 – Ku herisiwa hi ndhambhi

Mudyondzisi/Mupfuni

Vadyondzi va ehleketa no kanela hi swiharhi swo hambanahambana swa le kaya na swa le nhoveni leswi va nga va ka va tshame va swi vona hi nyama kumbe eka thelevhixini kumbe eka timagazini. Va khutaze ku dirowa xiharhi xin'wana na xin'wana lexi va navelaka ku xi dirowa.

Dyondzo ya 8 – Mpfula yi xile

Vadyondzi va ta fanela ku bula no njhekanjhekisana hi ku pfuna na ku onha ka mpfula. Va kombete xifaniso xa nkwangulatilo na mihlovo ya wona yo hambanahambana. Vadyondzi va fanele ku dirowa nkwangulatilo. Va letele ku tirhisa mihlovo yo hambanahambana tanihilaha swi nga kotekaka hakona.

Dyondzo ya 9 – Ku hlayela

Mudyondzisi/Mupfuni

Hlayela vadyondzi nomboro kutani u va kombeta chati leyi kombetaka nhlayo ya swifaniso leyi ringanaka na nomboro leyi wa ha ku yi hlayaka. Vadyondzi va fanele ku twa kahle mavulelo ya tinomboro hi mudyondzisi. I swa nkoka ku kambisisa loko vadyondzi va ku encenyeta ku vula rito. Vadyondzi va nga tlhela va yelanisa mipfumawulo ya tinomboro hi ku ti vuyelela. Leswi swi ta endla leswaku vadyondzi va tiphina hi dyondzo leyi.

Dyondzo ya 10 – Muxe – Endzeni ka xibokisana xo endliwa hi tinhlanga

Vadyondzi va vulavula hi xifaniso xa n'wana exibokisaneni xoxo endliwa hi tinhlanga. Khutaza vadyondzi ku endla ntlangu mayelana na leswi va swi vonaka exifanisweni na hi vutomi bya Muxe.

Dyondzo ya 11 – Muxe a rhangela vanhu va yena

Khutaza vadyondzi ku dirowa xikandza xo tsana na xikandza xo tsaka. Tsundzuka leswaku a ku na xifaniso lexi nga saseka kumbe xo biha. Pfumelela vadyondzi ku hlamusela hi matitwelo ya vona va ntshunxekile ku ya hi leswi va swi dirowaka.

Vadyondzi va fanele ku khutaziwa ku xiyisisa swifaniso haswimbirhi kutani va ringeta ku swi hambanisa hi ku kombeta swilo leswi fanaka na leswi hambanaka. Ringeta ku endla leswaku vana va tikuma va ri karhi va tiphina hi nkarhi wa dyondzo leyi.

Dyondzo ya 12 – Milawu ya khume

Mudyondzisi/Mupfuni

Pfumelela vadyondzi ku hlaya milawu ya khume hi ku yimbelela. Va fanele ku yi ntlanguhata ku kombeta leswaku va twisisa leswi va swi phataka kumbe leswi va swi yimbelelaka. Hlawula nawu wun'wana na wun'wana u wu vula kutani u va vutisa leswaku i nawu wa vungani. Tiyisisa leswaku dyondzo leyi va tiphina hayona tanihilaha swi nga kotekaka hakona.

Dyondzo ya 13 – Davhida wa murisi

Vadyondzi va hlaya xitori xa Davhida. Va lava tinyimpfu ta Davhida hi ku landzelela nkhwati wa mathonsi lowu kongomaka exivaleni. U fanele ku va pfuna ku kuma ndlela leswaku va nga banani na khumbi. Vadyondzi va ta tiphina swinene hi nghingiriko lowu.

Dyondzo ya 14 – Davhida a lwa na Goliyadi

Va hlayelele ehenhla xitori xa Davhida na Goliyadi. Va hlamula swivutiso endzhaku ko yingisela xitori lexi. Va nyike nkarhi wo ringanela leswaku va encenyeta no ntlanguhata mipfimbi kumbe tinyama na matimba ya Goliyadi.

Kambela vutivi bya vona:

Nyika vadyondzi mahungu ya vunwa mayelana na Goliyadi:

Goliyadi wo tsongahala, wo lala loyi a xiximaka swinene no va na xichavo. Goliyadi loyi a nga wanuna wa musa no rhandziwa swinene hi vanhu hinkwavo. Khutaza vadyondzi ku nyika xifaniso lexinene xa leswi Goliyadi a a ri xiswona loko va hlaya mayelana na yena ebibeleni.

Ku hlela

Ku na marito yo helela eka xiphazamiso kumbe phazili. Vadyondzi va fanele ku lava no kuma marito lamo eka xiphazamiso. Leswi swi nga va teka nkarhinyana wo leha, hikwalaho u fanele ku va lehisela mbilu no va ehleketelela. Tlangela na vona mikarhi hinkwayo loko va kuma marito eka xiphazamiso.

Dyondzo ya 15 – Daniele ekheleni ra tinghala

Hlayela vadyondzi xitori xa mayelana na Daniele kutani u va vutisa swivutiso. Va fanele ku languta eswifanisweni leswaku swi ta va pfuna ku kuma tinhlamulo. Va tsala marito hinkwawo lama nga tsariwa hi mathonsi etibukwini ta vona ta misingiriko.

Dyondzo ya 16 – Yesu a velekiwa

Vadyondzi va fanele ku languta hi vukheta leswi tsariweke eswifanisweni. Va ba swirhendzevutana emaritweni lama va ma kumaka exifanisweni.

Dyondzo ya 17 – Tintlhari ta le vuxeni ti tile ni tinyiko

Vadyondzi va kanela mayelana na tinyiko leti tiseriweke Yesu hi Tintlhari ta le vuxeni:

Nsuku

Mirhi ya risuna

Mafurha ya mirha

Khutaza vadyondzi ku vutisa vatswari va vona leswaku mirhi ya risuna na mafurha ya mirha i yini.

Dyondzo ya 18 – Swifaniso swa ku velekiwa ka Yesu

Kambela vutivi bya vona:

Tirhisa chati leyi nga na swifaniso na marito. Vadyondzi va fanele ku yelanisa marito na swifaniso swo yelana na wona. U fanele ku va pfumelela ku pfunana leswaku va ta tiphina hi dyondzo leyi.

Dyondzo ya 19 – Heroda u lava ku dlaya Yesu

Tirhisa xifaniso ku pfuna vadyondzi ku teka Yesu n'wana va n'wi yisa eEgipta.

Dyondzo ya 20 – Yesu a tirha ntirho wa Xikwembu

Yesu u rhandza vanhu hinkwavo. Khutaza vadyondzi ku kanela hi mayelana na leswaku Yesu u va rhandza ku fika kwihi. Va fanele ku tsala xivulwa lexi: Yesu wa ndzi rhandza. Va fanele ku cincana tibuku ta vona kutani va kambelelana mitirho ya vona.

Dyondzo ya 21 – Yesu u hi dyondzisa ku khongela

Khutaza vadyondzi ku rhandza no khongela tanihi Davhida. Vadyondzi va fanele ku dyondza no nhloko hata kumbe ku mbiluhata xikhongelo lexi. Va dyondzise ku vula Xikhongelo xa Hosi, “Tatana wa hina loyi a nga le matilweni”.

Dyondzo ya 22 – Yesu wa hundza emisaveni

Va hlayele xitori xa mayelana na ku fa ka Yesu hi ku nonoka. Va vutise swivutiso swo fana na leswi:

1. Xana Yesu u fele kwihi?
2. Xana miri wa Yesu wa ha ri esirheni nasweswi?
3. Xana Yesu u pfukile evafini endzhaku ka masiku mangani?
4. Xana Yesu u yise ku yini ematilweni?

Vadyondzi va fanele ku dirowa xifaniso xa xihambano.

Dyondzo ya 23 – Ku yimbelela

Vutisa vadyondzi swivutiso mayelana na risimu leri:

1. Xana risimu leri ri vulavula hiyini?
2. Xana risimu leri ri hi dyondzisa yini?

Mudyondzisi/Mupfuni

- Khutaza vadyondzi ku yimbelela risimu leri va ri karhi va tirhisa mayimbelelelo ya risimu ra “Vaweti, hi welela”. Va yimbelelele risimu leri leswaku va ta twa leswi ri yimbelerisiwaka xiswona.
- Kanelani mayelana na nkoka na vusaseki bya dyondzo. Tiyisisa leswaku vadyondzi hinkwavo va kuma nkarhi wo vulavula. Tsundzuka leswaku a wu lavi tinhlamulo leti faneleke. Wo va nkanelo wa un’wana na un’wana laha vadyondzi hinkwavo va humelerisaka mavonelo ya vona erivaleni.

Dyondzo ya l

 apula	 Bibele	 cina	 Davhida
 Estere	 fuma	 Goliyadi	 Heroda
 Isaka	 jesi	 kamela	 Lazaro
 Marka	 Nowa	 Omega	 Paseka
 quva	 ribye	 Sawulo	 tamatisi
 un'we	 voko	 wasi	 xitsotswana
 Yakobo	 zankosi		

Dyondzo ya 2

nk  nkuku	ng  nguva	nt  ntanga	ny  nyeleti
ch  chela	kh  khele	hl  hlamba	th  thini
mp  mpecana	mb  mbuti	mh  mhala	mf  mfenhe
by  byanyi	dy  dya	tl  tlanga	ts  tsutsuma
tlh  tlhava	by  mbyana	nts  ntsena	ns  nsuku



tandza



mbirhi



mune



n'we




nharhu



ntlhanu

Dyondzo ya 3

Ndzi vona




tinyimpfu



varisi



Tidirowe:





Hlamula swivutiso leswi landzelaka:



Vito ndzi:

Xivongo ndzi wa ka:

Manana i:



Tatana i:

Ndzi tshama e:




A hi tsaleni no vula mipfumawulo leyi:

Handwriting practice section with five rows of blue lines. Each row contains a dotted uppercase letter and a dotted lowercase letter, both with red arrows indicating stroke direction.

- Row 1: Uppercase 'K' and lowercase 'k'
- Row 2: Uppercase 'F' and lowercase 'f'
- Row 3: Uppercase 'Y' and lowercase 'y'
- Row 4: Uppercase 'G' and lowercase 'g'
- Row 5: Uppercase 'P' and lowercase 'p'

Dyondzo ya 4

Swivumbiwa swa Xikwembu



Xikwembu xi vumbile:








Genesa 1:1-26

<p>Siku ra 1</p> <p>nhlekanhi vusiku</p>	<p>Siku ra 2</p> <p>tilo lwandle misava</p>
<p>Siku ra 3</p> <p>swimila byanyi</p>	<p>Siku ra 4</p> <p>n'weti dyambu tingeleti</p>
<p>Siku ra 5</p> <p>swinyenyana tinhlampfi</p>	<p>Siku ra 6</p> <p>Adamu Evha swiharhi</p>
<p>Siku ra 7</p> <p>Xikwembu Xi wisile</p>	



A hi titoloveteni ku tsala mipfumawulo leyi:



Khalara misava:



Dyondzo ya 5

Xikhongelo xa Hosi xa vana



ku khongela




n'weti

1. Ndza khensa ku va na manana. 



2. Ndza khensa ku va na tatana. 



3. Ha khensa ku va u hi nyika swakudya na
 mati masiku hinkwawo.





4. Ha khensa ku va na kaya. 



5. Ha khensa Xikwembu Tatana ku va u hi
 rhandza. 



A hi titoloveteni ku tsala maletere lama:




Dyondzo ya 6

Ngalava ya Nowa





Nowa



ngalava




Genesa 6:1-22


Xikwembu xi byele Nowa xi ku: “Aka  ngalava.
Nghenisa swiharhi hinkwaswo endzeni ka
 ngalava.”



ximanga



nyimpfu



nghala




tuva



nyoka



kondlo





mbhongolo



mbuti



Pfuna swiharhi ku kuma ndhawu ya swona engalaveni:



nyimpfu

ximanga

tuva

kondlo

mbhongolo

mbuti

nyoka


nghala



Hi swihi swin'wana swa swiharhi swa kona?



Dirowa swiharhi leswi u swi tsakelaka swinene:



Dyondzo ya 7

Ku herisiwa hi ndhambhi



Nowa



mpfula



Genesa 7:10-17


Yi nile.



Makumemune wa masiku na makumemune ya vusiku bya kona.



30




Dzivamisoko						
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

Mudyaxihi						
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				




+

10



Dyondzo ya 8

Mpfula yi xile



nambu



xile



Genesa 7:24


Mati ya tatile milambu na mapatu.



Mpfula yi xile.




Swiharhi swi huma engalaveni.



Dyondzo ya 9

Ku hlayela



khume




byanyi



A hi hlayeleni:


1. Nyimpfu yin'we




2. Matuva mambirhi




3. Timbhongolo tinharhu



4. Timbuti ta mune



5. Ntlhanu wa swimanga





Tsala vito ra xiharhi xin'wana na xin'wana:

1.



2.



3.



4.




5.



Dyondzo ya 10

Muxe – Endzeni ka xibokisana xo endliwa hi tinhlanga















n'wana



Faro




Eksoda 2:1-10


 <p>Faro</p>	 <p>N'wana wa nhwanyana wa Faro</p>	 <p>Nambu</p>	 <p>N'wana endzeni ka xibokisana xo endliwa hi tinhlanga</p>
 <p>N'wana</p>	 <p>Tinhlanga</p>	 <p>Nhwanyana</p>	 <p>Manana wa Muxe</p>
 <p>N'wana wa mufana wa rila</p>	 <p>A n'wi rhandza</p>	 <p>A n'wi thya vito ra Muxe</p>	 <p>Manana na n'wana</p>



Titoloveteni ku tsala maletere lama:



Kuma vito leri nge Muxe kutani u ri khalara:



Dyondzo ya II

Muxe a rhangela vanhu va yena



eEgipta



Muxe



Eksoda 3:1-10



Muxe u humesile vana va Israele eEgipta.



Vanhu va yena (vana va Israele) a va ri mahlonga.



Xikwembu a xi pfule ndlela (xi endle patu) eka Lwandle ro Tshwuka ni ku va ponisa.





Va tsemakanyile lwandle naswona a va tsakile.



Dirowa xikandza:

Xo tsana

Xo tsaka






Lava no ba xirhendzevutana eka swilo leswi hambanisaka swifaniso leswimbirhi:



Dyondzo ya 12

Milawu ya khume



milawu



ntshava



Eksoda 20:1-17


 Muxe u khandziyile  ntshava.

Xikwembu xi n'wi  nyikile  milawu ya khume. 

A hi dyondzeni milawu ya kona: 1 2 3 4 5 6 7 8 9 10

1. Hi mina Hosi Xikwembu xa wena, lexi xi ku humeseke etikweni ra  Egipta, na le vuhlongeni. 

U nga tshuki u gandzela swikwembu swin'wana, kambe gandzela mina ntsena.

2. U tshuki u tivatlela  swifaniso leswi gandzeriwaka.



3. U nga tshuki u tlanga hi vito ra Hosi Xikwembu xa wena.



4. Tsundzuka ku hlayisa siku ra Savata, ri tshama ri hlawulekile.



5. Xixima tatana wa wena na manana wa wena.



6. U nga tshuki u dlaya.



7. U va nsati kumbe nuna wo tshembeka.



8. U nga tshuki u yiva.



9. U nga tshuki u hembra (kumbe u va mbhoni yo hembra).



10. U nga tshuki u navela yindlu ya

muakelani wa wena kumbe swilo swa

yena.  Rhandza muakelani wa wena ku

kota loko u tirhandza.

Dyondzo ya I3

Davhida wa murisi












Davhida



haripa




I Samiele 17:34-36

 Davhida a a risa tinyimpfu ta tatana wa yena.
A ti sirhelela eka tinghala na tibere.   
A rhandza ku chaya haripa.  
A rhandza ku khongela no gandzela na ku   
dzunisa Xikwembu. 



Pfuna Davhida ku kuma tinyimpfu ta tatana wa yena:





A hi dyondzeni xikhongelo lexi:

Hosi i murisi wa mina.



Loko ndzi ri ni ku chava, Hosi yi ndzi nyika



matimba.



A ndzi tshami ndzi ri ndzexe,




Hosi yi na mina.



Ndzi ta tshama ndzi ri karhi ndzi rhandza Hosi.



Landzelerisa kumbe u dirowa xifaniso xa mavoko lama khongelaka:




Dyondzo ya 14

Davhida a lwa na Goliyadi



I Samiele 17:31-51

 Goliyadi a a ri xihontlovila. 

A a ri nkulukumba swinene a tihela a va na  matimba swinene.

U tile ku ta lwa na vanhu va  Xikwembu. 


A a ri na ripanga, tlhari na xitlhangu.   

 Vanhu a va chuhile swinene. 

 Davhida a a nga chuhangi. A a ri na  xivindzi.

Hi ku tirhisa ntsena xipelupelu na ntlhanu wa  maribye yo tshwulungeka u dlayile Goliyadi. 

 Davhida u vile nhenha. 





A hi kumeni no ba xirhendzevutani eka marito lama nga laha hansi:

davhida

khamba

yimbelela

murisi

tinyimpfu

khongela

t	d	a	v	h	i	d	a	w	s
i	o	q	s	c	s	m	h	f	y
n	v	y	s	a	n	e	a	m	i
y	m	u	r	i	s	i	n	d	m
i	l	k	c	u	l	a	d	k	b
m	c	v	f	w	k	o	a	h	e
p	k	h	o	n	g	e	l	a	l
f	y	q	u	w	z	r	a	m	e
u	i	s	b	r	x	k	j	b	l
b	t	v	i	z	i	m	v	a	a

Dyondzo ya 15

Daniele ekheleni ra tinghala



Daniele





khele



Daniele 6:1-28

 Daniele a a tshama etikweni ra le kule.

 Hosi ya tiko yi endlile nawu wa leswaku a ku
na loyi a nga ta pfumeleriwa ku khongela eka

masiku ya 30 (makumenharhu).

 Valala va Daniele va byerile hosi leswaku

Daniele a a khongela Xikwembu.






 Daniele u hoxiwile ekheleni ra tinghala.



 Hosi a yi vilerisiwa hi Daniele.


 Daniele a a ri wanuna wa ku lulama. Tinghala a
ti n'wi dlayangi. Xikwembu xi n'wi ponisile.




 Hosi a yi tsakile hi ku va tinghala ti nga n'wi
dlayangi.





A hi tsaleni marito lama:

Daniele



Xikwembu



Hosi



Tinghala




Khongela




Khele



Ponisa



Gandzela



Dyondzo ya 16

Yesu a velekiwa



xitaleni



n'wana



Matewu 1:18-25



Dirowa xirhendzevutana eka marito lama:

Mariya


mbuti

Yosefa

nyimpfu

Yesu n'wana

nyeleti



Dyondzo ya 17

Tintlhari ta le vuxeni ti tile ni tinyiko



Tintlhari ta
le vuxeni







nyeleti








Matewu 2:1-12

 Tintlhari ta le vuxeni ti  vonile  nyeleti leyikulu
empfhukeni.

Ti vutisile hosi  Heroda laha hosi leyintshwa
ya Vayuda  yi velekiweke kona.

 Tintlhari ta le vuxeni ti  landzelerile  nyeleti
ti kondza ti ya fika  exitaleni.

Ti landzelerile  nyeleti, ti kumile  Yesu n'wana,
ti n'wi  nyika  tinyiko na ku n'wi  khinsamela.




Titoloveteni ku tsala letere leri:




Dyondzo ya 18

Swifaniso swa ku velekiwa ka Yesu



gandzela



ntsumi



Luka 2:1-20



Hlaya mavito lama nga eswifanisweni laha hansi:



varisi



tintlhari




tinyiko




Mariya na
Yesu n'wana




Yosefa



tinyeleti



tinyimpfu



mbhongolo



mbuti



ximanga




kondlo



tuva

Dyondzo ya 19

Heroda u lava ku dlaya Yesu



Heroda




dlaya



Matewu 2:13-23

 Heroda a a hlundzukile swinene.


A a lava ku dlaya Yesu n'wana.

 U hembile a vula leswaku a a lava ku gandzela Yesu.

 Yosefa na Mariya va tekile n'wana va ya na yena eEgipta.



Hatlisani mi teka Yesu n'wana mi ya na yena eEgipta:



Dyondzo ya 20

Yesu a tirha ntirho wa Xikwembu



Yesu



Luka 2:41-52

   Yesu u dyondzisile vanhu leswaku

 Xikwembu i xinene.

 U te: “Xikwembu xa mi rhandza.”  U  horisile  vavabyi.


 U dyondzisile  vanhu ku endla swilo leswi lulameke. 

 U dyondzisile  vanhu ku rhandzana no  rivalelana.

 Yesu u rhandza  vanhu hinkwavo,  lavakulu ni  lavatsongo. 




Tsala xivulwa lexi: **Yesu wa ndzi rhandza**



Xikambelwana



Hetisa marito lama:



dya.....



n'we.....




tinyele.....




bya.....




xilu.....




murh.....




nhleka.....
na vusi.....



vanh.....




mpfhu.....



lwa.....



ti.....




swinye.....

Dyondzo ya 21

Yesu u hi dyondzisa ku khongela



 **Luka 11:2-4**

 Tatana wa hina loyi a nga ematilweni, hi
dzunisa vito ra wena lero Kwetsima.

Ha ku khensa ku va u hi nyika vuswa masiku
hinkwawo.

Hi rivalele loko hi dyoha. 

Hi pfune ku rivalela van'wana loko va hi dyohela. 

Hi dyondzise ku endla leswi lulameke.  Amen.



Nghenisa marito lama siyiweke:

Wena u wa hina.

Hina hi va wena.

Wena..... hi rhandza.

Ha ku rha.....

Dyondzo ya 22

Yesu wa hundza emisaveni



u file



tilo





Marka 16:19-20

 Yesu u hayekiwile no fela  exihambanweni. 

 Vanhu a va nga tshembi leswaku a a ri
n'wana wa Xikwembu. 

 Vanghana va yena a va tsanile swinene. 

Endzhaku ka masiku manharhu u tlhele
a pfuka  eku feni.  Vanghana va yena a va
tsakile swinene.

 U tlhandlukele ematilweni hi papa.  

 Moya wa yena wu le timbilwini ta hina 

leswaku wu ta hi dyondzisa ku rhandza 

 Xikwembu na vanhu van'wana. 




Vanghana na maxaka ya yena va byerile
 misava hinkwayo hi Yesu na hi rirhandzu
 ra yena.



A hi tsaleni xivulwa lexi nga laha hansi: **Yesu u tshama
 ematilweni naswona wa hi rhandza**



Dirowa xifaniso xa xihambano:



Dyondzo ya 23

Ku yimbelela



Buku ya
tinsimu



Moya lowo
Kwetsima



A hi yimbeleleni risimu leri hi mayimbelelelo ya risimu ra
“Ku kotisa mhalamhala” kumbe ra “Vaweti, hi welela ...”

A hi ringeteni hi hinkwaswo leswi hi nga na swona

Ku kuma vutivi

Leswaku hi ta kala hi nga tshami emunyameni

Leswaku hi ta kuma ku vonakala



Hi na tibuku

To hi kombeta ndlela



A hi hlayeni, a hi hlayeni

A hi hitekeni.



Amen



Buku leyi yi tivisa vana lavatsongo [kumbe vahlayi va malembe wahi kumbe wahi] eka dyondzo ya masungulo hi ku tirhisa matimu lamo fuwa ya switori swa le Bibeleni na swimunhuhatwa swa swona leswo khavisiwa. Endlelo leri ro Tirha na ku dyondza ri endla leswaku vadyondzi va tirhisa switwi swa vona hinkwaswo loko va ri karhi va dyondza. Ku dyondzisa swi olovisiwile hi ku tirhisa tiayikhoni, makhadi ya swikombakombana na xiletelo xa mudyondzisi leswi katsiweke ebukwini.

Tirhisa endlelo ro dyondzisa hi ku tirha swin'we u tirhisa makhadi ya swikombakombana:



Dyondza hi swimunhuhatwa leswi u swi tsakelaka swinene swa le Bibeleni:

